



Յարութիւն Իսկահատեան, [Էրեբունի](#), 28 Յունուար 2019

Ականատես վկայ արաբ հեղինակ՝ Ֆայիզ Էլ-Ղուսէյն, Սուրիոյ Հաուրանի նահանգի Էլ-Սալուք գերդաստանէն իսլամ կրօնական շէյխի մը որդին Է: Ան Կ. Պոլսոյ կայսերական դպրոցին մէջ իրաւաբանութիւն կ'ուսանի եւ Տամասկոս՝ Սուրիոյ Կուսակալական

Չինուորական Սպայակոյտի բաժանմունքին մէջ իր ուսումը կը կատարելագործէ:

Մամուրէթ-իւլ-Ազիզի (Խարբերդ- Յ. Ի.) նահանգին մէջ իբրեւ փոխ- գաւառապետ կը պաշտօնավարէ երեքուկէս տարի եւ ապա Տամասկոս կը վերադառնայ: Իբր Հաուրանի ներկայացուցիչ, շրջանային Գաւառական Ժողովի եւ ապա Վարչական Խորհուրդի անդամ կը դառնայ:

Երբ Ա. Համաշխարհային Պատերազմը կը պայթի, 1914-ին իրեն կ'առաջարկուի վերստանձնել Խարբերդի նահանգի նախկին փոխ-գաւառապետի պաշտօնը, բայց ան կը մերժէ: Ֆայիզ Էլ-Ղուսէյն թուրքերուն կողմէ Անգլիոյ եւ Ֆրանսայի հովանաւորած արաբական ազատագրական պայքարի կազմակերպութեան մը իբրեւ անդամ կ'ամբաստանուի ու ձերբակալուելով կը բանտարկուի, ապա շղթայակապ կ'աքսորուի դէպի Ալէյ (Լիբանան)՝ քաղաքական յանցագործներու արգելարանը: Դատաւարութենէն ետք, թէեւ ան անպարտ կը հռչակուի բայց անոր որեւէ պաշտօն չի տրուիր, որովհետեւ թուրքերը որոշած էին ուսեալ ու ազդեցիկ արաբները հեռու պահել: Ճեմալ փաշայի հրամանով Ֆայիզ Էլ-Ղուսէյն Կարին կ'աքսորուի, բայց տակաւին հոն չհասած, Տիգրանակերտի մէջ կը բանտարկուի: Այդ օրերուն ռուսերը Կարինի շատ մօտեցած էին: Առանց արդարացուցիչ պատճառի ան 22 օր բանտին մէջ կ'անցնէ եւ ապա ազատ կ'արձակուի: Ֆայիզ Էլ-Ղուսէյն Տիգրանակերտի մէջ վեցուկէս ամիս կը մնայ, ականատես կ'ըլլայ ու հաւաստի աղբիւրներէ ալ կը տեղեկանայ հայոց դէմ ի գործ դրուած թրջական վայրագութիւններու: Բարձրաստիճան թուրք սպաներ, պետական պաշտօնեաներ եւ թղթակիցներ իրեն կը պատմեն հայոց կրած տառապանքներուն մասին:

Յարութիւն Իսկահատեան, [Էրեբունի](#), 28 Յունուար 2019

Ականատես վկայ արաբ հեղինակ՝ Ֆայիզ Էլ-Ղուսէյն, Սուրիոյ Հաուրանի նահանգի Էլ-Սալուք գերդաստանէն իսլամ կրօնական շէյխի մը որդին Է: Ան Կ. Պոլսոյ կայսերական դպրոցին մէջ իրաւաբանութիւն կ'ուսանի եւ Տամասկոս՝ Սուրիոյ Կուսակալական

Չինուորական Սպայակոյտի բաժանմունքին մէջ իր ուսումը կը կատարելագործէ:

Մամուրէթ-իւլ-Ազիզի (Խարբերդ- Յ. Ի.) նահանգին մէջ իբրեւ փոխ- գաւառապետ կը պաշտօնավարէ երեքուկէս տարի եւ ապա Տամասկոս կը վերադառնայ: Իբր Հաուրանի ներկայացուցիչ, շրջանային Գաւառական Ժողովի եւ ապա Վարչական Խորհուրդի անդամ կը դառնայ:

Երբ Ա. Համաշխարհային Պատերազմը կը պայթի, 1914-ին իրեն կ'առաջարկուի վերստանձնել Խարբերդի նահանգի նախկին փոխ-գաւառապետի պաշտօնը, բայց ան

Հայոց Յեղասպանութիւնը արդարացնելու միտումով, թուրքերու «փաստարկ»ները կը ժխտէ Ֆայիզ Էլ-Ղուսէյն, ըսելով որ Վանի հայերը միայն ու միայն ինքնապաշտպանութեան արարք գործած են եւ անոնք բնաւ նախայարծակ չեն եղած: Միւս կողմէ հայոց զէնքեր իւրացնելու պարագան կը լուսաբանէ արաբ հեղինակ՝ Ֆայիզ Էլ-Ղուսէյն եւ կ'ըսէ թէ Վանէն Տիգրանակերտ հասած ծանօթ մարդոց եւ թուրք պաշտօնեաներու վկայութեամբ հայոց սակաւաթիւ զէնքերը միայն ինքնապաշտպանութեան նպատակով գործածուելու համար պահուած էին: Վան քաղաքի հայերը գաւառներուն մէջ տեղի ունեցած կոտորածները տեսնելով, զինեալ դիմադրութեան դիմած էին:

Հայոց Յեղասպանութեան կանխամտածուած ոճիր ըլլալուն մասին, հեղինակը կը ներկայացնէ հետեւեալ փաստարկը, զոր կը մէջբերեմ. «Թուրքերը հասկացել էին որ հայերը միւս բոլոր ազգերի հետ համեմատած, մշակութային, տնտեսական, ճարտարագիտական, հասարակական ու կրթութեան բնագաւառներում շատ աւելի առաջ էին եւ կարող էին առաջիկայում բանակում եւս կարելոր դիրքերի հասնել: Անոնք համոզուած էին այս հարցով եւ վախենում էին, որովհետեւ քաջատեղեակ էին իրենց տկարութիւններին, մասնաւորապէս գիտէին, որ կրթութեան ու առաջդիմութեան մէջ անկարող էին մրցել հայերի հետ»: Հեղինակը՝ Ֆայիզ Էլ-Ղուսէյն կ'եզրակացնէ. «Թուում էր, թէ նրանցից ազատուելու միակ ճանապարհը հայերի բնաջնջումն էր»: Վերջապէս Ֆայիզ Էլ-Ղուսէյն կ'ըսէ. «Ղուրանի ականդութիւնների եւ պատմական փաստերի առջեւ բացայայտ են թուրքական կառավարութեան արարքները, որոնք լիովին հակասում են իսլամի սկզբունքներին»:

Ֆայիզ Էլ-Ղուսէյն եւրոպական պետութիւններուն ուղղելով իր խօսքը կը յայտարարէ թէ անոնք են որ քաջալերած եւ մեղսակից դարձած են թրքական կառավարութեան անմարդկային արարքներուն, որովհետեւ այդ կառավարութեան վատ նկարագրին ծանօթ էին ու գիտէին որ թուրքերը բարբարոս ու վայրենի ցեղ մըն են:

Տեղին է աւելցնել թէ այս եւրոպական պետութիւններէն ամենէն «գործունեան» էր Գերմանիան, որուն միսիոնարներէն ոմանք Հայասպանութեան ոճիրին մէջ անմասն չմնացին՝ երդումներով ու ստապատիր խոստումներով զինաթափ ընելով հայ ժողովուրդը: Արաբ ականատես վկայ եւ յուշագրող Ֆայիզ Էլ-Ղուսէյնի Հայասպանութեան վերաբերեալ վկայութիւնը անգամ մը եւս կը բացայայտէ, թուրքերու իսլամ կրօնի անուան տակ թաքնուած հայոց ջարդերը իրականացնելը արդարացնելու սուտ ու սին ջանքերը:

